



Còde de bònei practicas

Dins un esperit de fisança mutuala, de respècte de l'autre quins que siàn son sèxe, son origina, seis ideologias e sei motivacions, per fin de faire dau programa **Volontariat per l'occitan** quauqua-ren d'agradiu e que permete a cadun de progressar dins sa practica de l'occitan, vaquí un còde de bònei practicas que cadun lo deurà respectar escrupolosament!



Consideracions generalas

Volontariat per l'occitan es un programa orquestrat per l'Institut d'Estudis Occitans. Es basat sus l'implicacion voluntària d'individús. Capitarà doncas dins lo respècte mutuau dei principis de basa.

Engatjaments de l'organizador:

L'IEO s'engatja a garantir la confidencialitat e la discrecion sus lei donadas personalas. Leis adreïças serviràn pas a una altra comunicacion en defòra deis informacions ligadas au debanament dau programa, alevat se o autorizat.
L'IEO s'engatja a facilitar lo rescòntre entre Voluntaris e Aprentes en prepausant una lista dei luòcs d'acuelh. L'IEO se tèn a la disposicion de cada

participant. En cas de dobtè, problèma de binòmi o de luòc, assajarà de trobar una solucion.

L'IEO informa lei participants individuaus e lei luòcs d'acuelh partenaris de totei lei detalhs relatius au debanament dau programa. La comunicacion via internet serà privilegiada.

La participacion au programa **Volontariat per l'occitan** es gratuita. Ges d'argent se deu exigir au moment de l'inscripcion deis individús. Leis inscripcions son centralizadas per l'IEO. Pasmens d'autreis organizacions son liuras de prene la relèva dau programa en organitzant d'eveniments ligats, pagants o non. Dins aquela eventualitat, leis inscrichs an ges obligacion d'i participar.

Leis organizacions partenàrias:

Leis organismes partenaris de l'eveniment fan la relèva de l'informacion sus lo programa **Volontariat per l'occitan**. Acuelhon de binòmies de convèrsa pendent la durada dau programa. An la possibilitat d'organizar d'eveniments associats. Aquò serà a sa carga dins aquest cas. N'informaràn l'IEO que transmetrà tanben l'informacion.
Ges d'organizacion partenària a lo drech de modificar lei caracteristicas ligadas au programa **Volontariat per l'occitan** (visuau, nom, etc.) a mens d'una autorizacion de la part de l'organizador.

Lei participants individuaus

Lei participants au programa **Volontariat per l'occitan** son de personas civilas majoras.

La lenga utilizada per lei convèrsas serà l'occitan a 100%.

Cada participant a d'aver una actitud civica respectuosa de l'autre quins que siàn son sèxe, seis opinions, son origina. En cas d'incompatibilitat amb la persona associada en binòmi, lei participants pòdon demandar de se trobar amb quauqu'un mai. Aquò serà senhalat lo pus lèu possible a l'IEO. Lei voluntaris s'avisaràn ben de se plaçar sus un pè d'egalitat amb l'aprenent e non pas dins una relacion de professor a escolan. Seràn aquí mai que mai per facilitar lo debanament d'una convèrsa.

Lei participants s'engatjan a aver una assegurança responsabilitat civila. Lei tèmas de convèrsa entre Voluntaris e Aprentes son liures e devon demorar confidenciaus. Lei personas que participan au programa an de gardar un comportament neutre envèrs son interlocutor dau ponch de vista ideologic.

En cas de non respècte d'aqueu còde de bònei practicas, l'IEO se resèrva lo drech d'escartar lei personas concernidas.

